

涂子類書序

文豈日少言平哉余曩與涂君守然學

茲焉獨涂君精敏卓偉下筆數千百言往往

超出人意表要與古作者相馳奮余遽追之

而不能及豈涂君為之易予為之難其聰明

所至固自有縣隔不可強能耶抑涂君學力

所克非予之可擬也予所謂文未易言者其





果弗信矣乎且古人以文爲貫道之器必氣  
爲之主焉者也涂君浸淫涵濡易詩書春秋  
禮記孔子孟軻賈誼司馬遷相如揚雄劉向  
班固韓愈柳宗元及宋諸君子賢聖諸子百  
家之書經涉世故事變艱險流離顛沛百折  
而不餒其氣宜其見之於文沈雄悲鬱佚蕩  
奔逸慄悍不可淺平左右回撓當其得意

皎然青云白日而風雨雷電交作浩然長江  
大河而蛟龍魚鼈並出巋然高山喬嶽而棟  
楠杞梓競秀也予生而與涂君同里長而與  
涂君同師時群銳意決科爭天下高選輩行  
各以所習經義矜耀已長而予又與涂君同  
業然涂君自謂可無學而能予亦不屑屑焉  
於是進而學古人之學爲古人之文而予又



與涂君同志予之資益涂君弘多而涂君之  
學邈焉高且遠如是世之知涂君且鮮矧以  
予區區培塿之與高溪壑之與深螢爝之與  
光者乎涂君間就予商確評品古今人文字  
美惡得失其決之而不留於意也若辨燕石  
之偽知趙璧之貴其求之而不逆於心也若  
望紫氣之騰知寶劍之藏其取之而不失於

人也若剖和氏之璞而視其玉其蓄之而不  
舍於已也若以金而斛量珠故予於涂君  
聽其論議之之精已令人驚眼噤口不得  
語况至見其文哉世既無能知涂君涂君亦  
不求知於世益偃蹇傲然浮遊江洋恣意性  
所快適予觀其東遊等集能無慨然於涂君  
乎太史公謂虞卿非窮愁亦不能著書以自

見予故爲之序使夫世苟知涂君者庶有徵  
予之言也盱江 矩序

黃山潛齋

煥

重刻涂子類葉目錄

一卷

古詩

于丘懷吾友甘處士作也

南山之樹二章

登山之嶠三章

南山之下八章

擊鼓四章

北山有萊四章

重刻涂子類葉目錄  
原目又新公正



古琴曲

我衣之長三章

航之流矣

李景瑞代課詩

平寇詩代作

贈嚴仲敬

八月六章

皇武七章

浴沂詩

懷友詩

懷仙詩

季島竹林別墅詩

無衣

二卷

五言雜體

湖田感興

夜興

食棗

橫塘詞

白雲

安仁道中

上嵩道中

擬古

乙未感懷三十四首

齋居感興

宿友人家

勸酒

夢歸

擬古二首

夜讌

陳平仲野逸軒

秋懷

寄陳伯貞

七言雜體

五歌五章

服氣歌



木蘭為樂歌

雙轂行為勝可賦

迎仙曲

三卷 五言絕句

大隄曲

露

湖上曲四首

客舍

宮中曲

七言絕句

續舊詩

甘子請余作禮記解一絕以謝之

五言律詩

兵後述懷七首

和韻七首

鄒氏妹

甲午九月一日作述懷詩

七言律詩

寄遠

黃仙岩

秋日

戎王出獵畝

秋興

和俞伯允

秋望

山遊作

寄長春道友

送瑜珈師無聞歸受業

懷北塔山高士陳復古

題仙岩

送人入廣

馬

河東渡

出郭

離亂

長歌



老人

山寺

神京

國舍翁

悼亡

寄集虛

寄鄒元方二首

寄道士熊月池二首

姦將

四卷

楚歌

鬼車

詔賢

獨行

倚嗟

讀易作

扇玉

冬夜

冬日

西園燒曉

東郊暴民

擊鼓送高伯昌遠遊

張先生哀辭

筆山初玉團歌

送羅文昭之汴陽任

五言寄懷山僧

錢謙益之師江東

隱齋為心元履賦

汾陽先生書以甘太初賦

饒李起東家書

南昌李仲宣哀詞

陳景輔龍溪晚景圖

洪培別墅

送貞西山歸閩

古賦

鷓鴣賦



治子變通  
吊金文

朝時賦

山齋賦

耦耕賦

思友賦  
司甘瑾考初張維季昌

樵童賦

嘉善賦

扇志賦

成道賦

五卷

雜文

張鬼

米氏子

他縣移文

米妖

號月字文

喻山

招俠客文

海子卷一目錄  
責緒先生文

襟言

水蛭

虎暴

效頭責于朋文

蕩陰雨

釋蒙

大卷

說

雲心說

樵說

景陶說

說弓

續師說

海魚說

學說  
李從學

白雲說

論



卷之二  
目錄  
虫蝶論

序

戒銘序

贈李主簿序

贈張仲成序

贈洪叔昭往天台省親序

饒伯琥詩序

贈艾季誠序

題黎用默集序

贈史士則序

贈日者王氏文序

送季誠之婺州序

七卷

記

撫州路脩西門城記

衛生堂記

萬竹樓記

種德堂記

游磁龜記

積善堂記

慎家山道堂記

傳

東丘生傳

孔方傳

章侯傳

墨者傳

于君壽傳

黃叟事吳

僧幻師傳

曹孟仁傳

誌銘

朱母墓誌銘

圓通明教佛慧大師塔銘

尚質銘

八卷

書



與元方論錢幣書

擬燕昭王報樂氏書

與元方書

與姜伯順書

與仲熙書

與學者書

進時事策上

皇帝書

與友人書

寄貴德兄書

代上劉叅議書

九卷

與大甘先生書

與餘干唐知州書

與周伯清先生書

與何允升書

問荅

牧童問

及問答

辯

滄海一粟辯

十卷

俚言十四章

題跋

羅先生寓樂齋記

箴贊

取履贊

自勸箴

回勿箴

鍾馗贊

魚贊

詔制

擬箕子封內黃侯制

擬貶干虞詔



重刻涂子類集目錄終

重刻涂子類集題名



皇明 勅祀宜黃 鄉賢守約涂 幾

著

叔鄉進士

涂端卿

校

兄鄉進士祀鄉賢 涂潛生

訂

三世孫翰林院編脩涂 忠

編

五世孫鄉進士 涂中原

涂子類集卷之一

古詩 干丘

干丘 懷吾友甘處士作也

六十一丘既夷且閑青山如繆水流其間我行既  
夷我行不遲懷我益友於焉涕洟霜月皓皓有淒  
其照我行異方于丘之變豈無束書可以娛觀豈  
無濁醪可以怡顏何如我友其德孔茂良玉在山  
亦有還耀鳳凰高飛愧彼群鴟嗟嗟我友而不療  
饑我衣章逢長劍陸離獨行粲粲爲世所疑明明  
上天賦我明德豈不以夜順帝之則我歌于丘以  
薦堂下式絃休風君子純嘏

南山之樹

山之樹自青辭也幾貧迫死不克禮葬  
故作是詩以鳴其哀

南山之樹椅不如無兒有兒不能舉其碑吁嗟乎衰  
南山之樹杞不如無子有子不能主其祀吁嗟乎死

登山之嶠

登山之嶠傷念不得歸省墳墓作也

登山之嶠兮望吾父之丘兮不見吾父吾誰與爲  
受兮

登山之阜兮望吾母之宗兮不見吾母吾誰與爲



告兮

登衝之里兮望吾弟之黜兮不見吾弟吾誰與爲  
死兮已而已而

南山之下

山之下爲樵者余穆作也穆有賢行故予傷其貧  
而卒不志云

南山之下亦有樵者素髮垂頰清泉繞舍  
其樵伊何載荷我鋤載荷我鋤亦讀我書  
其書伊何維聖之理庶幾古人使我無寐

春兮嚶嚶春谷青青我携我斤至于中林  
采彼薜薇掇彼菌芝我樵不饑我行孔遲  
南山之岑亦有高木燎于蛙堪我樵亦足  
北山之阿亦有虎狼無傷我心既降

高山出雲其下爲洞樵夫得道心苦作爲此  
詩以配終古

擊鼓

擊鼓美甘子詩古也

坎坎擊鼓合彼祝圉朱絃庚庚浮磬矩編鍾既

陳匏管在下工歌肅雍童子來舞是曰古樂聽者  
無怒

維今之樂空侯箏琶增哀導淫卒不可以化二八  
窳妓死然頽醜觀者乃悅載咲載譁

維古之樂其淡如水維今之樂繁奏迭起代促人  
微生物靡滋維樂之灾人其弗思

吾友甘子其道大轂作爲詩歌以配古樂毋閔爾  
音式夷我心

北山有萊

山有萊爲桐岡丈人位也丈人老而無子故予以  
令德之有後者期之

北山有萊可以爲杖以輔君子君子攸往  
北山有栢可以爲几以奉君子君子攸止  
北山有檀可以爲車以燕君子君子攸娛  
侃侃令德君子有後君子有後從以黃耇

古琴曲

春日載和藤蘿敷陰踞彼磐石彈吾素琴落花盈  
裾水流澗潄我彈我琴信指自尋白鶴引子鴉鳩



海三 卷之二  
拂林雖無宮商實怡我心古道日遠皇文陸沉載  
歌古詞式詒茲今

我衣之長

我衣之長遺張君季昌甫也

我衣之長我佩之章服之孔臧於心不忘  
我衣之裋我佩之觴服之具宜君子之思  
君子如玉德音甚度既有黃髮亦有令子

航之流矣

航之流矣有滄其初君子樂之持緝以教悠悠清  
淪蒼蒼維藻魚雖不多言采其芼行于浦沱來金  
如雲我心爲惻樂茲沄沄山有嘉木隰有芳芷君  
子衍衍或克永世彼流孔長亦施于江君子永世  
孝友可忘

李景瑞代課詩

有蚩者氓亦困于征有黠其富或悍于取于取伊  
何爾然實多云胡不生不恤其訛民既匱止富亦  
瘁止視此李氏寧不知耻彼氓而艱被富而殘視  
此李氏胡不厚顏赫赫公符有額其徒司征不仁

卒毒以痛 皇威孔仁哀我赤子李君曰來  
皇德是鋪歲時饗殮清酒在壺兄弟具存大小燕  
胥爾茶于山勿數其株爾釀于缸勿索其酷我有  
緡錢代其輸矣我有役人止其驅矣我錢若丘擢  
毛于牛視彼富人爲此隱憂黃陂洋洋亦迤于江  
李君之思永矢不忘瞻彼高山有巋其石李君壽  
考靡有終極既構以文復係以詩壽考不忘李君  
之思

平寇詩代作

至正十五年

天子命翰林直學士吳公以江西憲來撫我江西  
冬至于撫公大布威德文武並用不踰年而成駿  
功非公任將得人何以臻此備如也某撫人而學  
仕于旴感鄉郡之底寧思與一州五縣之生聚蒙  
戴大德永永無極故作詩以美公撫人更生某日  
覩而見也故不及公他郡撫寧之事云

維撫有孽既黜而克屢伐不服以干我戎維天子  
有臣既文且武出師于郊士怒如虎公昔始來飛



書諭家彼卒不化乃謀乃攻公服振振橐兮載行  
出師于郊萬夫則聽公有善將能振于旅拳勇畢  
陳既入于阻醜徒如雲屢侮王師公將有嚴王師  
不隳俘馘纍纍大小畢來公將勇只公畧用只孰  
敢不程往剿其壘既底于降戒掠于師或取其茅  
投爾礮硃軍士濟濟凱旋而歌噓枯沃炎乃底太  
和西姦未窮有孽于東命將往擒火原爲紅困獸  
匍匐頽逋天誅公釋不殺俾前其驅撫人未寧爲  
肉爲魚今既寧止民情舒舒撫人既寧許方畢回  
自江東西無遠不懷有兮老碑有嚴者祠祝公萬  
年福祿如茨福祿如茨公乃國基諸侯之師社稷  
是毗公去遲遲公無我遣作詩抒懷撫人之思

贈嚴仲敬

我行清溪斜日照樹依依懷人十步一顧自我別  
于光陰驟遷載瞻雲鴻好音缺然昔者之友其交  
匪他道合志同以相切磨維今之人視利與名翻  
儼輕趨以誘我後生惟我與子其心如冰匪言不  
仁匪由不義大行戕戕驅車過之黃河洋洋一第



所施無顛爾車無覆爾航顧瞻天明夙夜靡遑上  
松之山下湖之里作爲歌詩式友君子

八月

八月寒序至而感傷先人之魂熒恍恍與寐相接  
故賦

八月載寒九月授衣蟋蟀戒壁行人將歸今我不  
樂日月其微

八月載寒九月肅霜靡靡原隰悠悠路長念我先  
人涕泗其滂

涕泗其滂我將奈何昔者之誨步趨絃歌庶以及  
時爲王執戈

執戈如何時不我與天高日晏衣有零露欲報泉  
下荆棘中野荆棘茫茫孰使夷之春秋一觴孰使  
携之我馬腓矣我夢歸矣

夢歸如何左父右母左父右母亦有稚子尚慎食  
訖無死

皇武

皇者其武克定四方篤生虎臣出師洗洗旌旄兜



韃龍節煌煌乃威乃徠孰敢不降

皇者其武乃定閩湖孰孽于東其壘截截其壘截  
截其衆狺狺孰俾虎臣以就功烈

虎臣整旆士馬競閑戰于離陽輪戟朱殷彼卒不  
勝窮追而還師徒載懼勢領共山

饒爲我疆孰迫吾郭番爲我湖孰涉吾瀆皇不汝  
劉汝無速辜孰十王明以訖天誅

公既定戰師斷別矣公始定戰人卒安矣孰馘連  
連數實閩閩公後不刊我城乃完

大帝錫命公有文武乘馬大吉開國東工錫爾柅  
鬯華于祖考

番君澤流亦有子孫保我後人惟德音是似德音  
是似天子是毗小儒作頌式配周詩

浴沂詩

浴沂詩者爲曾君誠善賦也曾君嗜學有奇質故  
予以先師之從容道義者告之庶以起遐思而成  
遠業也

春服既成行于江濱落花泂波芳草承茵童冠相

携少長有群挹彼冷綠濯吾素塵泫泫不回繼者  
如新風乎舞雩其樂孔云千載之下懷我德音式  
歌古辭用詔來今

懷友詩

交交黃鳥止于庭除佳木葱蒨纖柯扶踈春風和  
柔鏘若瓊琚之子不來繁陰載途昔者相顧惠我  
束書廓然高明以追古初載膏我車載整我輿駕  
言從之命彼僕夫濯濯新柳娟娟綠蒲物生競時  
伊人弗如白雲在天流光坐隅願奉明德攬君佩

祛

懷仙詩

機素飄蕭寒泉閭寥蓬萊之音不可以招之子獨  
能御風超遙我厭世喧誦言中宵空音冷冷幽谷  
隱潮至道可學希蹤洪喬海月照袂松風泛瓢神  
仙者何伊吕同條竹林清晝鳥鳴脩脩斯言有味  
請乘風颺

季昌竹林別墅詩

猗猗竹林下有精舍脩散春陰黃鳥晝下詠歌鳴



絃樂此幽雅投壺紛紜亦有多馬春筍擢擢與土  
偕作無使牛犢而礪其角春林森森實清我心客  
來敷茵坐彈吾琴雲行樹間水流階除緬懷高明  
惟聖之書聖書有味如食而飫無悵爾時以警朝  
暮

無衣

無衣勗嚴恒也嚴君賢而有竒禍故余爲四言古  
詩以慰解其意

春雨霏霏春寒襲衣我無緼袍何以禦之春日蒼  
蒼春寒雨霜我無重衾何以覆戴天生才賢賦命  
不全慧厚福徧寧無慨然勿咎過軍惟我之述五  
窮相牽適遭其人我飢未羸我寒未皴勉焉俟時  
慶彼陽春陽春郁郁鳥鳴在谷機梭紛紜織絰以  
續子續子書婦續子襦子無怨尤以有令譽

重刻涂子類集卷之一終

重刻涂子類集卷之二

五言雜體

湖田感興

驚憂多傷心白髮不待老  
獨上古原頭愁來若秋  
著述明皇王何因世多患  
高秋尋名山一去終不  
矣玉經炎焚七日精不變  
平生讀書多成我在貧賤

夜興

滾滾風驚湍皓皓月照樹  
澗底有幽人和泉渡溪去

食棗





盤中有青棗時物感霜露安得逢去人携之九泉下

橫塘詞

妾家住橫塘輕舟蕩烟渚雙槳急歸來沙中有人語

白雲

因思白雲來又逐白雲去谷口生秋風泉聲落堦樹

安仁道中

行逢松下樵莫問山前路惡俗慎多防茫茫度山去  
采苓白雲根樵子隔山語澗水出踈花灣中有人住

上山高道中

積雪墮山崖  
霜荷稠疊憶昔白髮親大寒掃楓葉

擬古

薔薇熏汗粟楊柳剪腰支肌素不受暑回雪舞時姿  
銅鋪流皓彩玉樹滿涼颼香殘銀葉冷聲咽蜀桐絲  
窈窕脩廊轉透迤河漢垂魚燈迷曲折螢火透果思  
漠漠梨雲夢悠悠畫角吹鴛鴦池上並蝴蝶枕中飛  
遙憐張公子今夕阻佳期

乙未感懷

嘉禾濯天風時至秋自熟耕耘豈不勞炊爨終在目

凶年厭糠稗盤殮貴如玉寄謝紈袴兒農夫慎無辱

又

富人重封閉倉庾畏不高饑年米如珠殘忍心所饕  
珊瑚列几格黃金鑄爲槽不肯施鄉里妄希五陵豪  
一旦火盜至探囊尔何逃

又

亭亭黃陂橋威威岡下道風氣本不殊山川鬱迴抱  
云何卧豺狼咫尺分白皂連雲列戟棚百里絕飛鳥  
安得時運清隣和謝征討

又

木落知天風蟻行穴將雨君子察其微小人咎寒暑  
清談累晉室絃歌竟存魯毫芒成斧柯河流制坏土  
君看禮防民長城未爲固

又

白旗何靡靡日日随天風彎弓射鳴髀忽報豺虺空  
岡峦莽迴互寇來此其蹤胡不設藏伏爲言心不同  
君看李飛將轉鬪陰山窟

又



民饑乃致寇寇至饑相重采彼南山蕨蕨根亦已窮  
况當執爨列中途日從戎豈不念饑疲王事當敬恭  
炎風吹衣裳烈日照高空驕兵在行間掣肘甘所蒙  
仰天視白日世亂何時終

又

我有濟時策用之豈多言脩書刺有位烈烈詞情宣  
感彼譚子語咄哉子無然古來賢達人知時象鸞騫  
太公老不遇龍韜乃無傳出處良自慎說說豈其天

又

我昔懷遠遊志十五諸侯文華動白日鞍馬凌清秋  
談咲金張館追隨枚馬儔輕盈按楚舞迢遞發齊謳  
歡樂未終極悲歌隨水流烟塵暗淮甸風雪迷吳舟  
去去別親友行行返林丘緬懷滄洲興復作青山留  
蘿月掛宵夢松風清晝愁鍾鼎非所願丹砂如可求  
明當散綠髮弄影戲玄洲

又

白露下庭綠百草何萋萋秋蘭亦委靡感此如知時  
陰陽若循環大化日相推昔為秦李今作真與純



姚姚綠窓女空閨老城眉君子崇令德歲晏以爲期

又

昔我黃洲遊嘗向黃洲宿  
空流水深以綠  
三年絕徑行豺狼此爲族  
悽惻念親友繁華不在目  
夜逢藍江人能唱黃洲曲  
分疆雖異縣風化舊相屬  
不見汾晉間千生被堯俗

又

我性不飲酒愁多思酒持  
三盃小酌酊紅滋發吾肌  
酣酣初有適兀兀遂忘疲  
傍人笑我言托藥從味

吾言子休矣趣味吾能知

又

門前有古井瀟瀟停寒流  
圓甃動瑤碧微風觸琳球  
既被同里潤復應王明求  
君子有釜操洗心澹如秋  
精神亦宣暢俗物豈吾儔

又

剛惡狼之輩柔惡佞之倫  
柔情劇變蠍狼狡遂誣人  
我思群動性役役迷其真  
舞旋室屋變病口爽八珍  
至人有怒喜四序備其身



又

庭前有灌木日日來鳴禽  
龍蔥既可悅間闕有餘音  
佳人啓繡闥對此自沈吟  
盛年無與娛日晏空羅衾  
安得化爲鳥雙雙栖

又

朝食一脫粟莫食兩蒸梨  
雖然不滿腹天賜乃得之  
小人怨寒暑喜怒狙公爲  
君子念寅畏盤杆亦嘗持  
吾饑未即死印死吾委蛇

又

治國若防慾用兵貴乘機  
防欲在周慎機來亟無時  
飄忽風雨疾呼吸乾坤隨  
太阿倒其柄鋒鏑安所施  
舉棋十不勝一失無還期  
孫吳倘有用三捷當在茲

又

芟荷以爲蓋薜荔以爲衣  
藤蘿以爲戶松栢以爲楫  
中有遺世人隱居無所爲  
精神澹秋月灼灼雲中輝  
呼吸飲天和蕭寥遂忘饑  
千載一往來海山拾桃枝  
聞名恐不及况可望其儀

又

楚有和氏璧光輝如白虹連城不肯售閉置塵濛濛  
一旦厄饑饉携之宋城東宋人不辨玉視若糞汚同  
祈號易一粟嗤笑不見從請為楚人計吾要重別翁

又

綠酒滿玉壺山花爛如綺春風披拂來冷然暢懷抱  
笑人隔吳越夢寐不可到羅帶寬秋霜難愛別春草  
不飲將奈何玉顏易枯槁

又

美人艷秀色灼灼如朝霞皓齒發輕咲春風飄玉紗  
行隨雲中月舞落枝上花婵娟不並世明珠空復多  
時無君王顧欲選知奈何

又

朝出城東門莫出城東門城東何所有流水金沙奔  
樵蘇雜市井微末難具陳吾嘗縱竒觀乘龍跨埃氛  
黃河曲如綫蟻蛭悲崑崙俯視但莽蒼不見秦皇墳  
白日照大荒金銀五城分嚙服九天氣愴然清心魂  
寄謝區中客吾將離世紛

又



迢迢河堤路悄悄河堤行出門少知友悠悠散冠纓  
來乘殘星落歸與長風并人生有不察同室森戈兵  
所以管鮑交而為時所稱

又

迢迢河堤道悄悄河堤行山居三十年僅得一友生  
雖得一友生相遭若流萍十旬不一見使我難為情  
春風山下來好鳥鳴嚶嚶此際不共樂壺觴為誰傾  
君傾紫錦囊我鮮黃金纓結交百年內無為流俗輕

又

春草何芊綿羅生夾城道日日行人相看跡如掃  
草死猶有根人生乃無心請君迴末照未死有同衾

又

白錫如白銀璀璨常在手白銀如白錫離亂亦何有  
鑄錫作交弊團團無改移請君廢白錫白錫少人欺

又

少年重意氣結友青雲端古來佻士恨不彈其冠  
山川竟迢遞舟車良獨難貴賤一失勢交友遂無歡  
君看有道者處靜如龍蟠

又

我有明月珠得之南海隅盛以琉璃盤裹以綉羅襦  
匣之丹砂床伴以珊瑚株東遊掠扶桑西邁窮崦嵫  
經過西域城徘徊萬商區無人識此寶卷之還故廬  
故廬亦何有蓬門少行車荒村有強客按劍睨所如  
不惜此寶失祗懷知者踈吾咲語強客緘滕何所爲

又

我性不作詩作詩竟何爲愁來如飛絮渺渺因風吹  
後人讀吾詩詩中含愴悽十五讀經史二十工文詞

又

四十無所成衡門草萋萋翩翩古洛豪白馬黃金羈  
千金買劍客百萬選蛾眉榮華棄賤士顧我忽若遺  
局促苦局促出門無所之朝從隣家飯暮向隣家歸  
隣家亦何有飲糞不救饑空令千載人掩卷爲歎歎  
後人有知心哀絃寄予悲後人無知心化作風中灰  
青雲有高興逝水無還期請與知者道無爲愚者嗤

又

高閣何截薛笠入浮雲端牙籤千

書縱人觀



中有奇俊人於焉日盤桓朝披霜

誦藜燈寒

辛苦綴文字誓言掇高官高官不可得白首摧心肝  
何如幻道者真心坐團團

又

戰士何草草不向潼關道潼關百萬師哥舒一人保  
潼關鉄作關麻庄捍隣姦黃河一矢守淮江併爲殘  
君看守禦功曹氏良獨難

又

團團山上日翳翳埵下桑先生朝入學童子來書堂  
條桑會有採葑綠盈頃筐童年會有長學問隨身強  
觀物希進德勗哉慎無忘

又

青山何紛頽白水中蕩潏生人秉其異邑里傷大窄  
習俗移中人變化當自力洛陽有花師染花作五色  
讀書苟雜俗何貴乎學術

又

雙蝶何翩翩飛來花上陌銀鬚卷香風艷魄欺白日  
飛去渡飛來苦憐人不識

齋居感興

養氣不自完畏此憂患端驕矜挾怒性劇若刀兵攢  
謙卑順世態勿使生瑕癥川蕪納污疾聖賢昔逢訕  
廓然忘彼已日下春水殘著書亦多言餘文繡其鞶  
棄置勿復云累去心始安簞瓢雖屢空道在有餘歡  
何事長戚戚悲歌勞肺肝

宿友人家

相思寡良晤對面了無言欲別未出門徘徊月生軒  
請留具空樽感子意重煩丈夫貴尚誼不在杯與盤  
酌水烹葵根亦是怡我顏友道方護落悲哉難共論

勸酒

堂上一杯酒再拜留故人故人不可見離別難具陳  
且爲盡此酒芳名等千春東風吹桃李綠色日以新  
昔時天冶顏今作朽與塵所以陶淵明頭戴漉酒巾  
暄暄川上日悠悠山下輪及時不爲樂老大誰相親

夢歸

山菴昨夜雨點滴故鄉心忽夢歸宜水桐華古巷深  
依依如何識渺渺故難尋錚然木葉下落月直墻陰



筠窈驛東路嶸嶸江上林何時理歸策玄髮已華簪

擬古

欲折青松枝掃君青銅鏡青松無改移聊將素心並  
蕙蘭含秋香松柏有本性運去當復還思君歲年未

又

風吹閭門柳日照長洲花吳王舊遊處古道無人家  
靡靡逝川水萸萸春物華因之坐長歎啼鳥隔窓

夜讌

陰房窺華月爛席暖春雲之子何窈窕清歌四

焚蘭不成寐幽思繞崑崙

陳平仲野逸軒

淵明棄斗粟亟返柴桑居達士傲軒冕微祿焉能拘  
陳君靖退人掛冠五旬餘林泉有夙好宦轍非良圖  
青山對俛仰綠樹環吾廬好鳥終日鳴清風引扶踈  
緬思京華客金蟬耀高衢榮名共一盡孰若專其愚  
所以君子人飲水亦有餘曠暖空中雲沄沄川上鳧  
無營天地間名與靖節俱

秋懷

盛夏苦炎熱煩毒攻我腸  
今辰忽蕭索浮雲被魯岡  
玄蟬寂無聲蟋蟀鳴我床  
飛光能幾何倏忽移炎涼  
人生非金石嘆息神內傷  
寡夫素多病經年滯殊方  
雖收釋練締兼恐無衣裳  
嗟我二三友知時慎行藏  
無令車轍下歲晏沾微霜

寄陳伯貞

空山有流水日夜聞潺湲  
豈不慕滄海弱力多阻艱  
鄧林有餘枝鸞鳩無勁翰  
所願君子人結托輸心肝  
明明閨中女蚤秦組二羅紉  
十五不出門三十房帷單

盛年倘不遇老大徒悲酸

七言雜體

五歌

夫詩如樂有以宣其鬱悖而歸於中則詩可尚  
吾詩作而悲讀之益悲吾言悲故直窮至此也  
夫擬杜七歌乃五歌惛然而止蓋不復知所謂矣

男兒少壯身美好十年讀書頗聞道  
手中有策干皇王盡使春風化枯槁  
令人不得讀書力及物無功貧賤老  
嗚呼一歌兮歌莫哀白日下浴滄江迴



我欲上山山石巖我欲涉河梁道壞江南十月霜霰  
深行子練裳夜無蓋黃河吹水朔易寒直上結交須  
慷慨嗚呼二歌兮歌悄悄古來竒士知者少

山中之人猴鹿遊三間破屋雨打頭歸耕無田秋粒  
貴太息不見妻孥羞文章於人全氣少分甘食蕨死  
亦休嗚呼三歌兮歌再吁訓狐夜啼月模糊

三十未滿三歲強一失盛年何可當舊時著書不知  
老鳳凰五色雲中央交逢無人科目少我骨與爾俱  
藏嗚呼四歌兮歌切忱父母愛我復何望

夜長取書雙淚落我亦何知古人作感慨已過姑置  
之投牀就睡燈光薄夢有一人頽而長教我神仙可  
分學嗚呼五歌兮小盤礴白鶴秋鳴入蘆霍

服氣歌

清陽希微上朝轍翠霞紫霧相葩紛中有不死真君  
存采而食之固靈根幽關日月當自明內顧返視無  
三彭金光瑤草秀崑崙離離神珠赤水源絳宮真人  
號無聞身披素單誦靈文即此斷絕生死門專氣致  
柔萬事畢予如得之可無忽大仙書功在金闕



木蘭爲槳歌

木蘭爲槳沙爲舟棹歌欲發當清秋月光刺刺沙水  
流水流却過青山頭青山茫茫沙似雪白壁紅樓邈  
相絕良夜美人彈玉箏幾曲柔腸暗中折願爲清路  
塵點君高堂之素茵願爲白團扇拂君編蒲之夕薦  
夜長勞勞忽夢君揚花渡江愁殺人鴛鴦解織機中  
錦青鳥難嚙領上巾拊瑤草貽瓊枝憐君秋霜點蛾  
眉相思曠劫不可見回首三山與子期

雙轂行爲勝可賦

日、天中團圓似雙轂流年不待人坐見東風轉  
華屋手栽松柏摧爲薪南山石柳成埃塵里中少年  
不知老爭買歌姬對綠酒綠酒可飲曲可歌柰此團  
團雙轂何

迎神曲

南山出雲北山雨大巫言言小巫舞烹羔魚豚進芳  
醕神君欲來急搥鼓

五言絕句

大隄曲



日落大隄春汀洲艇子新拚蘭空在手誰是共遊人  
又

日落大隄新烟光罩白蘋南湖千萬頃愁殺蕩舟人  
露

八月露華新穿珠上草茵不愛前節晚知有先寒人  
湖上曲四首

少作豪家婢湖邊看白鵝孤舟風雨夜應恨識人多  
又

溪中魚艇子日載鷓鴣遊鷓鴣識溪水蕩子識湖川  
又

拚得青荷葉團團不蓋頭舟中有奴子誤妾見時羞  
又

鈿將荷葉剪衣是藕絲裁記得橫塘過遊人一道開  
客舍

空山三尺雪迢遞少人行錯認聞鳴雉誰知是雨聲  
宮中曲

何處好吹簫深宮夜闌寡無人知曲意花外去迢迢  
七言絕句

續舊詩

銀塘秋晚見雙鳥  
微物知時我不如  
畢力石田期小  
獲莫教霜雪犯行車

甘子請予作禮記解一絕以謝之

多病沈綿藥物稀  
邇來心事轉多違  
煩君欲問康成  
學直待春山挾硯歸

重刻涂子類藁卷二終